

Guangjsih Minzczu Bau

ganhhau: CN45-0036 B.2019 Nd.8 Ng.14 liggaueq geijhah nienz ndwencaet cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3387期

Nanzdanh Yen Cauhmoq Banhfap Doi-ok Denyingj Vahyauz Bae Mbanj Ingj

Vih swncienz caeuq baujhoh saw vah minzczu vunznoix, fatyengz gij vwnzva vahgangj minzczu vunznoix. Nanzdanh Yen Minzyij Cunghsinh caeuq Aen Cunghsinh Hoizguh Denyingj Vah Minzczu Vunznoix Gvangjsih Denyingj Cizdonz doxgap, hoizguh denyingj dinj 《Aenranz Gyaunde》 youz yinzminz fazyen aen yienh neix ciuq gij anqlaeh caensaed gajbien goepingj haenx, caemhcaiq youq ndwen 7 ngoenz 31 youq ciet Yauznienz Lijhuz Yauzczu Yang cuengqingj baez nduj, vunzlai gyaed dangqmaz, cungj naeuz 《Aenranz Gyaunde》 banj Vahyauz ingj ndaej ndei.

Ciuq cam rox, denyingj dinj 《Aenranz Gyaunde》 yungh vut gungz gunggeng guh beigingj, yungh “swhfaz banggungz” guh cawjdaez, lwnhgangj gij gojgaeq beixnuengx Bwzguyauz vih gajbienq diuzmingh, byaij ok runghbya, buekguh baenaj, giethab gihcwngz faz-yen gangingj “suhgi daih” it” gaenx-maenx guh hong banggungz gunggeng, youq mwh dangveij cwngfuj hengzguh gij cwngcwz senj bae diegwnq youq, ranzgungzhoj saedyienh le gij loqsiengj ranz vunz sam daih senj haeuj ranz moq, hawj vunzlai gungzhoj roxnyinh daengz gij raeuj cwngcwz banggungz leih lwgminz dangj caeuq guekgya. Bouh

benq neix yaek youq aen yienh neix gak mbanj Bwzguyauz ingj, dajveh ingj mbouj noix gvaq 300 ciengz.

Cuengqingj baez nduj ngoenz haenx, beixnuengx Bwzguyauz daeuj yawjngonz daengz 600 lai vunzbaez, beixnuengx Bwzguyauz gig gyaedmaij cungj senhconz vunqsik neix. Boux daeuj yawj denyingj cungj naeuz, doenggvaq yawj denyingj hawj gyoengq-de rox haujlai, maqmuengh dangj caeuq cwngfuj lai haiguh cungj senhconz hozdung neix, hawj bannomj minzczu vunznoix mbouj lumz vahcoj, swncienz fatyengz vahcoj. (Cinz Yihanz Veiz Licinh/岑玉韩 韦丽珍)

SIUSIK DINJ

● Geij bi neix daeuj, Nanzdanh Yen gaenxmaenx doidoengh lajmbanj it ngeih sam canjnieb doxyungz hwngfat, hopheux gij ndei daegsaek nungzyez, haenq-rengz haifat nungzyez youqndwi caeuq lajmbanj lijyouz binjbaiz. Doenggvaq banh ciet va'ngaeux, cauhamoq guh senhconz, dwk ok “ciet va'ngaeux” Bahbingz binjbaiz, vih daengx yienh nungzyez youqndwi caeuq lajmbanj lijyouz hwngfat hoengghwd gyahaeuj rengzhoengh moq. (Mwz Yenmeiz)

● Bineix doxdaeuj, Vanzgyangh Mauznanzczu Swciyen guh ndei seizcin dajndaem, vih ranz dajndaem lai gunghawj cehfaen haeuxnaz ndei mbouj aeu cienz, doengzseiz gya-giengz son dinfwngz dajndaem, saedyienh haeux-gwn sou ndaej lai. Daengx yienh ndaem gohaeux najdieg 32.75 fanh moux, ndawde, haeuxnaz ndei najdieg 16.81 fanh moux, gujsuenq baenz 8.22 fanh dun.

(Veiz Yencunh)

● Geij bi neix daeuj, Lungzcuh Yen Yadung Cin Fuzlunz Cunh youq mwh vut gungz gunggeng daiqlingx vunzlai laebdin saedsaeh, cauhamoq loh-naemj, haenqrengz gaj-bienq gij vunqsik guenjguh conzdungj, gaenxmaenx doenggvaq hwngfat daj-ciengx vaiz, yungh gij vunqsik “nungzhoh + hoz-cozse” guenjguh nungzyez, daiqdoengh vunzlai vut gungz baenz miz.

(Luz Ciuhyingh)

● Geij bi neix daeuj, Lungzswng Gak Cuz Swciyen genhciz yungh haw-ciengz guh dazyiengq, son-yinx vunzlai ciuq dieg bae ndaem makleiz, makloz-hangoj, youzczaz daengj “mbanj ndeu yiengh ndeu” daegsaek canjnieb, bang-rengz vunzlai dangdieg laisou baenz miz. Seizneix, makleiz aen yienh neix laebdaeb baenz lo, gyoengq vunz nyaengq sou, yinh, senj mak bae gai.

(Banh Cisiengz)

Ginhsiu: Vwnzva Feihyiz Bangrengz Lajmbanj Saenqhwngh



Fouxgyongnaezhenj ceiq daeuz dwg Yauzczu aeu daeuj caeqbaiq cojcoeng, dwg gij diuqfoux minzczu gaeuqgeq dieg Yauzczu ceiq mizmingz, bi 2011 ndaej liedhaeuj guekgya gaep feihvuzciz vwnzva yizcanj mingzloeg. Seizneix, fouxgyongnaezhenj gaenq baenz aen hanghmoeg dieg Yauzczu gvaq ngoenzciet caeuq langhbaij vwnzva feihyiz cungj diuq, diuq fouxgyongnaezhenj daengj hawj beixnuengx Yauzczu dangdieg ndaej gyalai sou-haeuj, vwnzva minzczu gaeuqgeq hawj lajmbanj bienq hoengh. Ndaw doz dwg ndwen 8 ngoenz 10, youq Ginhsiu Yauzczu Swciyen Luzhang Yangh Luzhang Cunh Mbanjyagujcinz, bouswncienz feihyiz cingq guh gyongnaezhenj.

(Gauh Yuzginh/高如金)

Hozciz Baengh Ngoenzciet Vwnzva Miz Minzczu Daegsaek Bangdoi Lijyouzyez Hwngfat

Geij bi neix daeuj, Hozciz Si Yizcuh Gih cungfaen leihyungh gij yenzsu vwnzva daegsaek Liuz Sanhcej, haenqrengz guh ciet lijyouz vwnzva Liuz Sanhcej Yizcuh daengj ngoenzciet binjbaiz, baengh langhbaij daegsaek, bangdoi vwnzva lijyouz canjnieb daez-caet hwngfat.

Daezsang gij mingzdaeuz lijyouz vwnzva minzczu. Daj bi 2010 daengz seizneix, Yizcuh gaenq laebdaeb banh le 9 gaiq ciet lijyouz vwnzva Liuz Sanhcej Yizcuh Guengjsae. Ciengqgok gij lijyouz binjbaiz miz daegsaek vwnzva “mbanjranz Sanhcej • fwenhaij Yizcuh”, lijyouz canjnieb hwngfat hoengghwd.

Daezsang gij rengz yingyangj lij-

youz vwnzva minzczu. Youq mboengq gvaq ngoenzciet, yawjnaek gyagiengz caeuq dieg mizmingz lijyouz guek ndaw guek rog doxgyau vwnzva, rengzrwd daezswng gij mingzdaeuz lijyouz vwnzva Yizcuh. Binaengz banh aen yalingyingz doxgyau yenzgiu hagsib gozci, senjleh “sijcej cingzngaih” aen yalingyingz doxgyau yenzgiu hagsib gozci vwnzva Liuz Sanhcej, hawj yienghsiengq hawsingz “mbanjranz Sanhcej • fwenhaij Yizcuh” byaij coh seiqgyaiq.

Gyalai cingzsoq ciemqmiz lijyouz hawciengz. Yawjnaek cauhamoq gij vunqsik guh ngoenzciet, dawz gij vunqsik gaxgonq guh ciet lijyouz vwnzva comzgyonj, dinghseiz, yawjngonz, cien-bienq baenz gij vunqsik daengx bi guh

ngoenzciet, mboujduenh yinx bouxhek rog gih ndaw gih, bouxhek rog guek ndaw guek daeuj Yizcuh lijyouz yawj gingjsaek, douzciengz guh canjnieb.

Hawj lijyouz vwnzva minzczu lai mizik. Yawjnaek guh ndei aen hozdung ngoenzciet caeuq swncienz vwnzva minzczu doxgiet hwnjdaeuj, caeuq hwnjguh hawsingz, dieggingj doxgiet hwnjdaeuj, caeuq hong lijyouz cinjcing vut gungz doxgiet hwnjdaeuj, haenqrengz cingceih gij veiswngvanzging, gyaudoeng cizsi, lijyouz cizsi hawsingz caeuq dieggingj, caemhcaiq cauhamoq rangh guhyiengh lijyouz banggungz rangh Dahyagen, daiqdoengh vunzlai gungzhoj gyavaic vut gungz.

(Veiz Dunghcwngz)